

AO KA VAKAI, WENÜYWEN KIMIGU ÑI KUÑIUTUKUWALEGU

MAPUZUNGUN



eligevivir
— SIN DROGAS —



AO KA VAKAI, WENÜYWEN KIMIGU ÑI KUÑIUTUKUWAL EGU

Rapa Nui kimeltuwe mew, mülelu kiñe ash wapi alü ka mapuley rel Chile, pu püchike zomo ka püchike wentru, ayiwun kechi negümüwkeygün educación física troy mew, antügen mu, ñi *ma'ori* Paula, femechi feypigekey ta kimeltuchefe, fey yekeyu ta Pea, kiñe ash kuyümentu mew, tüg ko metawe mew rekeley, fey mew pepi awkantukeygün, weylkeygün ka elukeygün luche pu peyu lafken mew mülelu.

Ao ka Vakai küme mürgeygu ka wenüygeygu.

—Amuyiñ ina lafken! Amuyiñ Pea mew!

—wirarigün ayiwlu egün pu püchi ke che.






Ao rumeñma külfüñgefuy fey nüy ñi takun
püwümuwal lefkülen amuy. Ñi wenüy Vakai
rumeñma kuñiwrukufefefuy, ka fey ayikey ta lafken,
welu trekalen amuy inafülñiey ñi *ma'ori* Paula.

Puwlu egu inaltu lafken mew, Ao upa konfuy
ko mew. Vakai fey pieyu:

—¡Ao, kuñiwrukufe pu peyu! —Welu fey
allkütulay, konüy ko mew müten fey müten
traloftukuwi wente furi ti peyu mew weyelküyawlu.

—¡Anünüy! —fey pi Ao.

—¡Anünüy! —fey ti peyu.





Ma'ori Paula fültufi ti pichi wentru,
kutrankawi, welu inagechi azkintufilu ñi
kümelkalen, rofülfi fey feypieyu kiñeke mew
weza zugu mu rupakeyiñ, welu kimkonürpukeyiñ
chi zugu mew rupawenoal femechi. Ka fey küme
gülamkaeyu, ñi konwenual fey chi antü ko mew fey
chi antü.

Vakai inafül anüy ñi wenüy mu nüñmafi ñi
küwü fey ramtueyu llazküleyi traloftukuwymi tol
mew. Welu Ao fey pieyu llazkülelan fey mew tati,
ayifun re weyelal müten, weyelal ka weyelal, kiñe
küme weyelfe geyal. Vakai kam ka upa weyelfe
gefulu, fey pieyu ka antü trür weyelayu lafken mew.

Ti peyu traloftukuelu ta Ao tol mew
allkütulefuy ti nütram, amu ikonküley kümeke
luhe. Fültufiegu fey feypi:

–*Crunch, crunch, crunch.* Ayülmu kümeke
weyelfe geyal inche reke, kiñe gülam eluwayiñ.





Ao ka Vakai ruf allkütulewigu, pu che Rapa Nui mew mülelu egün, pu peyu, fentren mogepakeygün fey mew rumeñma kimüygün, ka kümeke gülam elukeygün.

–*Crunch, crunch, crunch.* Kuñiwtkuwmün kishu emün ruf küme zugu, tamün *ma´ori* Paula kam ka che rumel ta mülelayaygün kuñiwtual ta pu püchi ke che mew.

–Welu ¿chumayñ ta zoy kuñiwtkuwal?
–Ramtuygün pu püchi ke che.


–*Crunch, crunch, crunch* –wüñolzugutuy ti peyu–: Wünelu mew pewütuwküleyal chemu rume weza zugu mu rupanual. Fey ñochi kechi negümuwal, azkintual chem rume mülele rüpü mew, azkintual chew am tukual tami küwü, püchi alü tuway tami lefün kagelu egu. Pewütuwkülefule Ao epe ñi konal ko mew, traloftukuwlfuy inche mu. llowaymün kümeke gülam, azümüwaymün allkütuaymün tamün piwke ruf zugu inayal chumnual kutrankawmekenua.





Femechi feypin mu, ti kushe peyu,
chali entuwtyu, ñamnagüy llüfü lafken mew
weyelkülen amutuy.

Ao ka Vakai küme allkütuygu, inafigu
ti gülam, fey weyelygu, weyelygu, ka
weyelygu, kuñiwtkuwküleygu, külfünkechi
ka kimkechi peyu reke, fey egu külfün ka
newen ülcha ka weche tremigu kümeke
weyelfe geygu Rapa Nui mew.





eligevivir
— SIN DROGAS —